


雲南通志

4310
27
2/2/2001



02451
001

續修書
南經卷

光緒二十年
十二月刊成

續修雲南通志序

天道十年而小易十干十二支至六十而數窮氣機行於上人事符於下不待觀前古總六合就一方之火先後未百年之久以今揆曩其月異而歲不同之故多矣陳詩

廢而采風之典尚在巡狩罷而土訓誦訓之職固存此各省志乘之事所以不一成而已也余觀滇中之志源流概著於創言今志緣起蓋前督岑襄勤之意續阮文達督滇所成志而為之者也猶憶文達

此志成於道光十五年當是時平
西授首莽甕烽銷者蓋百有餘年
矣仰承熙雍乾嘉之盛重以歷任
守臣治績之成宣慰削土五金怒
生民物滋豐士歸實學程月川錢
南園之風在焉通犀文象之貢款

關而至者異域一家文達於此時
舉古典修文物視鄂尹兩文端雍
乾所志體有詳略而時局無異同
也

宣宗二十年以後海上中原之事既多波
折滇中物極災萌百族蘊亂杜逆

之難竊據將十八載而統計始燄
餘波略近一世其時軍制不足恃
而就民練兵者有之品官不足用
而就地辟人者有之冊籍焚而田
浮於糧餉糈缺而抽釐給丁者有
之時勢所迫舊志徒存所不易者

山川城郭耳襄勤旣以權宜削平
大難繼以劉武慎以次諸公規復
舊制不遺餘力而喪亂旣久視因
如創余嗣奉

命茲土蓋凜凜然如扶弱人於初起之
後乘羸馬於久放之餘豈不行立

然極知其疲瘵是則以阮志繼前
志事蹟同而體例有異以今志續
阮志體例同而事蹟又自不同事
蹟從世亂之大小而出余所以撫
新編而慨然也雖然盛衰之運如
四序相循滇雖遐遠而土豈不足

四

食其民兵豈不足實其邊礦之金
竈之鹽文之運積久而無不洩在
國初數次蹂躪猶有乾嘉極盛之日
若撫之有道而謂滇民不覩全盛
非理之常所願更六十年後操筆
之彥不載金鼓旂幟之事與夫亂

離反正之象凡塞外忠臣義士安
為孝子順孫一反從前剝久之運
卽蒞官茲土者文治以外無智名
無勇功而今志所訂無有山遷而
河改是則使者所禱祈以俟者夫
光緒二十年甲午仲秋雲貴總督

五

仁和王文韶謹撰

續修雲南通志序

地志其史家之流亞乎禹貢別九州山川疆理辨物產以定壤賦實為古今地志之祖周禮司險職方掌天下之圖以達山林川澤辨四夷八蠻而周知其利害誦訓掌方

志以詔王司徒掌土地人民之數以佐王擾邦國則地志之法莫詳於成周其有裨於政幾與史並重矣滇為禹貢梁州之域周為百濮西漢開道置吏屬諸益州故常璩華陽國志多紀南中六郡事已作

滇志權輿元李京為雲南通志明
李元陽包見捷謝肇淛諸人繼之
然非官書今並不傳景泰時勅右
布政使陳安簡修通志後又遣廷
臣王穀等至滇增修僅成十卷是
為官修通志之始

國朝一修於康熙再修於雍正道光
初阮文達公督滇復修輯之分門
別類卷帙浩繁一方文獻於是大
備即今通行之本也自文達後六
十餘年中更咸豐丙辰之變用兵
幾及二紀同治癸酉全滇戡定今

亦歷二紀矣時移勢殊人事不一
其間因地制宜以奏功善後與夫
防邊柔遠馭軍綏民皆非阮志所
能賅及今不續後人何所考以徵
信耶使者奉

命撫滇與

前制軍西林岑襄勤公設局續修
共圖於始復與

今制軍仁和王大司馬遴才程效
共竟厥成而始終司其事者則迤
南道貴陽陳觀察之力居多甲午
六月局員周令汝臣以續修告竣

請弁言簡端因為綜核全書體例
一仍阮志之舊而述戎事錄忠義
採人物則加詳焉今而後滇之治
忽沿革形勢風俗吏政軍制可按
籍而稽矣繼茲以往願治滇者於
滇民則當思休養之滇士則當思

九

教育之滇軍則當思整肅之滇吏
則當思激揚之內政修明外侮不
作而滇之士服其教民安其政軍
畏其威吏奉其法斯可以宣

上德飭紀綱弼成

盛治永奠我

國家丕丕基無疆惟庥是則使者之
續成滇志攷禹績之遺備周官之
掌未必非從政者之一助也夫

光緒二十年歲在甲午冬十月兼
護雲貴總督頭品頂戴兵部侍郎
兼都察院右副都御史撫滇使者

鎮遠譚鈞培謹撰

續修雲南通志序

志乘為史氏之一體職方所掌見於周官蓋史之限以斷代為書志之限則斷以地也滇為周百濮之區開闢於漢始設郡縣置吏唐淪於蒙宋淪於段元代復入版圖遂建行省前明

因之至我

國家沐浴教化二百餘年滇之聲明文物燦然大備矣夫滇之有志創於元而繼於明其書并不傳今所傳者為道光初阮文達公督滇時所修之通志稿取雍乾間鄂尹兩文端舊志而

增益以成書者也文達迄今六十餘
年中更咸豐丙辰之變盜賊蜂起全
滇鼎沸至同治初而亂斯極先兄
襄勤公提一旅之師力措危局轉戰
三迤十餘年間幸賴

朝廷威福郡邑以次肅清維時戡定伊

始籌辦善後百務繁興未遑及修志
之事嗣由黔閩移節來滇因與

前中丞遵義唐公江夏張公暨

大中丞鎮遠譚公先後會商遴員開
局續修通志總其事者為迤南道北
流陳觀察繼之者糧道西川劉觀察

南海譚觀察又繼之者則今迪南道
貴陽陳觀察也兵燹之後簡冊淪亡
文獻無徵續修之難有倍於修阮志
時者中間按輯逸事罔羅舊聞蓋已
十易寒暑矣今

制府仁和王公奉

命泣瀆尤以通志為重計期課功遂於今

冬告成余時護督撫篆局員以弁言

請余幸畢先兄襄勤公未竟之書

兼幸邊隅掌故將備異日史氏採擇

因為之畧志緣起至於體例之詳畧

與夫攷訂之得失全書具在可覽而

知馬固無俟余之贅言爾是為序

光緒二十年甲午冬十二月兼護雲

貴總督護理雲南巡撫按察使西林

岑毓寶撰并書



續修雲南通志序

志乘備史官之採擇故創修不容以或疏況滇又遠在天末偏處邊裔

國朝聲教廣被并包無外凡滇之文治武功事之鉅細大小尤不可以

五

無志以昭茲來許也夫志滇之書非即治滇之所握要乎攷滇自元始入版圖其有地志僅見於有唐而前之楊終常璩後之辛顯怡李京李元陽包見捷劉文徵謝肇淛諸人雖為之草創討論然不過私